

ساعة حرة و لكن

رواية

عبد الله بن عيسى

بِقَلَمٍ / لَهْبَةٍ زَعِيمٍ

تقدمه

تغيب الشمس...

تترك في القلوب هموم الليل و هو اجسه

تتركنا للعتمة و الاعيب الظلام

تدفعنا للكثير من المواجهات

لكنها تترك فينا ماض دافئ

حتى نتوق اليه

حتى نتالم.

نسمات الليل الهادئه تعبرين شعرها البنى اللون الطويل و رائحه
القهوه تملأ الهواء ، القمر مكتمل ، اصوات الاوبرا تتعالى و تغزوا الفضاء ،
تطرب لها اذن تلك الجميله ذات البشره البيضاء و العيون البنيه الواسعه
التي جلست الى شرفتها كعادتها تستمع الى نغمات الابداع و هى تفكر فى
تلك الحياه القاسيه التي حرمتها ابواها لم يمر على الامر سنه و لكنها
اعتادت ذلك الفراغ فى منزلها ..و بينما تجلس "سيرينت" و هى غارقه فى
استماعها و افكارها تسمع طرقات على الباب فهضت بتان و سارت الى
الباب و فتحته ببرود قائله : اتاخرتى ليه ؟

ليليان :غضب عنى انتى عارفه انا لسه اول يوم ليا هنا فى باريس و كنت
بدور على العنوان و....

قاطعتها " سيرينت " و هى تفسح الطريق لها لتدخل : تمام ..الوقت اتاخر
دلوقت معاد نومك علشان عندنا بكره كولدج (جامعه) وده اول يوم ليكى
هيكون طويلالاضه التانيه على اليمين الدور التانى .. اعتبرى
البيت بيتك اتفقنا؟! بس القاعده الاولى متدخليش الجناح الشمالى ابدا
ده ممنوع ... و دلوقتي اتفضلى.

سارت ليليان و هي تنظر في عجب الى امنزل الواسع
و هي تدري مدى ثراء "سيرينت" بعد وفاه والدها تاجر الالماس
الذي سبقته والدتها بعده اشهر ولا تملك الا ان تمقت فظاظتها....

فلاش باك

بصوت متقطع: اسمعيني يا ليليان بعد ما اموت ..

ليليان في بكاء: بعد الشر عليكى ماتقوليش كده .

يا ليلياااااا يا حببتي انا عارفه ان ده صعب عليكى بس لا ازم تسسمعى

بعد ما اسيبك يا بنتى انتى هتكونى لوحدك و علشان اطمن عليكى انا
بوصيكي تسافرى بباريس لبنت خالتك كملى دراستك و عيشى حياتك
"سيرينت" انسانه كويسه هه هه هى مهمما كانت بنت خالتك و قلبها طيب و
هتخاف عليكى و بردوا انتى لازم تكونى عارفه ان ابوكى الله يرحمه حاطط
باسمك فى البنك وديعه هتاخدى فلوسها كل شهر و هتعيشى بفلوسك و
مش عاليه ... ع على حد ..

و بينما هي غارقة في افكارها وصلت الى باب الغرفة و عيناها تملأها
الدموع فهي وحيدة الان بعد وفاه والدتها و كل ما تبقى لها هو دراستها و
ابنه خاله لا تعلم عن طباعها شئ ، فتحت الباب.....

ليليان : لا لا لا الا انتي بتهزري ؟ صح ؟!!! كل الاوضه دي علشانى انا "يس
يس يس " تفتح انا فذه في انهار بجمال المدينه لكنها تشعر ببرد

اغلقت الستائر و نظرت الى حقائبها التي وضعها السائق في الغرفة ففتحت
باب

الخزانة و بدأت تفرغ حقائبها و حين انتهت نامت على الفور .

"سيرينت" :ليليان ...ليليان قومي فورا و البسى علشان الكولدج الفطار
جاهز و قدامك 30 دقيقه و هنمشي

قامت ليليان في مزاج سيئ فهي معتاد على ان توقظها امها بهدوء و
تدليل ..تنظر حولها و ادركت انها ليست في منزلها ثم تذكرت كل الاحداث
بعد نوم عميق ...

نهضت فارتدت ثيابها على عجل و نزلت الى الطابق السفلى فوجدت
الفطار معد فتناولت طعامها و خرجت لتجد السائق ينتظر امام سياره
فخمه و فتح الباب قائلاً: اتفضلى يا انسه ليليان .

دخلت السياره و هى تنظر من النافذه لترى ذلك المشهد العجيب الذى
جذبها

"سيرينت"

ابنته خالتها الجميله ترتدى بدله من الجلد الاسود و حذاء ذو رقبه طويله
و قفازا جميعها من نفس اللون الاسود الذى يضى على جمالها المزيد من
الجمال و لكنه يضى عليها الكثير من الغموض و الحزن ايضا كانت
تتوقع ان تركب معها و لكن السياره تحركت فجاه .

ليليان فى دهشه : انت بتعمل ايه سيرينت لسه مركبتش ؟ !!

ليليان :اتنين ازای ؟

ماهر : نكمل كلام بعدين احنا وصلنا اتفضلى

و فتح لها الباب فنزلت و هى ترى الموتوبايك الخاص بسيرينت يتوقف

امامها

سيرينت : تعالى ورايا .

ليليان : انتى بتعملينى كده ليه؟! من ساعه ما جيت و انتى بتتكلمى معايا

بطريقه غريبه و كانك مش طيقانى؟؟

سيرينت من فضلك ردى عليا و لو مضايقه منى انا ممكن امشى!

سيرينت بهدوء: انا مش مضايقه منك و لا حاجه بس دى طبيعتى انتى لو

كنتى طلبتى منى اى حاجه كنت هنفذها لك يا ليليان ...تمام ؟

ليليان و هى فى غايه التعجب : تمام بس انا مش هعرف اعيش كده لازم

نتكلم نفهم بعض و كده يعنى!

سيرينت : يعنى انتى محتاجه حد تكلميه؟! خلاص محلولة تعالى ..

دخلتا الى فناء الجامعه الذى امتلأ بالطلاب بعضهم فرنسيين و بعضهم

ليسوا كذلك

سيرينت : ليليان .. شايفه البنات الى واقفين تحت الشجر دول ؟

ليليان : ايوه

سيرينت : دول كلهم عرب تقدرى تروحي تتعرفى عليهم و لو عايزه لحد ما

اجيبك الجدول ...تمام ؟

ليليان فى توتر : طيب متتاخريش .

ليليان تخطو خطوات بطيئه نحو البنات و هى تنظر بذهول لما حولها فهى

لم تتخيل ان تكون الجامعه بهذا الشكل اختلاط شديد بين الجنسيات و

خلطه اكبر بين الشباب و الشابات

حقا ان باريس مختلفه !!

جذبها صوت احدهم و هى لم تكن قد وصلت بعد للشجره

Bonjour mademoiselle

je m'appelle Gaser ali ,et toi ?

ليليان : جاسر على انت عربى ؟

جاسر بسعادة : ممتاز انتى كمان مصريه ... اسمك ايه ؟

ليليان : ء.. انا ليليان .

مد يده ليصافحها قائلا : تشرفنا يا ليليان .

سارت سيرينت نحوها ثم مدت يدها بورقه جدول المحاضرات

ليليان : سيرينت استنى ؟ ! سيرينت ؟!!!

سيرينت : عندى محاضره بعدها نتقابل .

جاسر : انتى تعرفيها منين ؟ هى صحبتك يا ليليان ؟

ليليان : بنت خالتى بتسال ليه ؟

جاسر : لا عادى بس ..

ليليان : بس هى غريبه شويه

جاسر : شويه !! دى كل حاجه فيها غريبه انتى عايشه معاها ازاي؟!

ليليان : فى الحقيقه انا لسه واصله امبارح بس و ملحقتش لا اعيش معاها
و لا اتعرف عليها حتى . هى طول عمرها هنا و انا طول عمرى فى مصر و ..

جاسر : انتى عارفه يعنى ايه " سيرينت " ؟؟

ليليان فى تساؤل : لا يعنى ايه ؟

جاسر : كلمه انجليزيه بمعنى افعى او ثعبان او خداع .

ليليان فى عجب : غريبه دى ليه خالتى تسمى بنتها الوحيدده اسم زى ده ؟

جاسر : انا اعرف ان ليها جدده بنفس الاسم ده و اعرف كمان ان ده مش
اسمها الحقيقى ممكن تقولى لقب

ليليان : ياااه ده انت تعرف عنها اكر منى ! ايه كمان ؟؟ ابهرنى يا عم

الرومانسى

جاسر : رومانسى مين؟؟ لا لا انتى فاهمه غلط ! هى دى بتدى فرصه لحد

يكلمها ؟؟

سمعا صوت الجرس معلنا بدايه المحاضرات

ليليان : طب سلام علشان المحاضره

جاسر : سلام

ثم توقفت فجاء لانها تذكرت انها لا تعلم الى اين تذهب و هى لا تعرف
المبنى من الداخل و اين تقام المحاضره لا تعلم اى شئ .

نظرت خلفها فوجدت جاسر يبتسم قائلاً: خلاص فهمت انتى اول
محاضره فى مدرج رقم كام عندك فى الجدول ؟

ليليان بخجل : مدرج 3

جاسر : طب يلا

سارت معه و اوصلها الى المدرج فدخلت و جلست بالقرب من احدى
الفتيات كانت تلوح لها كأنها تدعوها للجلوس

بدت لها فرنسيه شعرها الاشقر و عيناها الزرقاوتين دلتا على ذلك و لكن
المظاهر تخدع احيانا

مايا : انتى ليليان مو هيك ؟

ليليان فى دهشه : ايوه و انتى ؟ انتى عربيه ؟ انتى تعرفينى منين ؟

مايا : إه يعطيكى العافيه .. انا مايا.. انا لبنانيه ...لا تستغربى انو عرفتك ..

سيرينت خبرتنى عنك و قالت لى دير بالى عليكى

ليليان : سيرينت تبقى صحبتك مش كده ؟

مايا : هههههههههه لا مو هيك سيرينت مالا رفقات ابدأ بس ممكت تقولى انو

انا مدينه الها قصه طويله كتير .. ليكى مو مهم المهم..

ليليان : لا مهم ازاي انتى بتقولى مش عندها اصحاب ؟

مايا : ليكى انتى ما بتعرفى سيرينت منيح بعد هى ما بتحب الحكى كتير و

ممکن نقول عنها منطوي بس هالشي مو اى حدا عم يفهمو.... سيرينت

قلبا طيب كتير بس هالشي مو باين كمان بس ي رح تثبت لك كل شى من

خلال افعالا .

الدكتور يبدأ المحاضره

بعد خروجها من المحاضره برفقه مايا تجولتا فى الجامعه و ليليان شارده

الذهن فيما حولها تتفقد اللوحات و الحوائط ذات الطراز البنائى الجميل

وقفت مايا تتحدث الى الفتيات و لم تلاحظ ليليان ذلك و لم تتوقف بل سارت و قد انتهت على الرسوم فى سقف الممر و اخذت تنظر اليها فى امعان...رسوم القمر و النجوم و الغيوم و اسماء بعض النجوم محفوره على السقف شغلها ذلك عن النظر امامها فاصطدمت باحدهم ليليان : اه انا اسفه ..

سيرينت: مفيش مشكله

ليليان : سيرينت ! هاى معلى مقصدتش...

سيرينت : خلاص مفيش مشكله ... انتى ليه مش مع مايا ؟

ليليان و هى تلتفت : مايا ! كانت هنا دلوقت و انا كنت ببص على الرسومات و بعدين...

سيرينت : طيب تمام تعالى يلا .

ليليان : رايعين فين؟؟

سيرينت : محلات الملابس ..انتى مش عايز تتسوقى فى باريس ؟

ليليان بحماس : اه عايزه اه

ليليان : هو ده اسمك الحقيقى ؟

سيرينت فى ابتسامه يغلب عليها طابع الحزن : هو اسمى دلوقت و مكتوب

كده فى الاوراق الرسميه بس انتى ليه بتسالى ؟

ليليان : اصل .. اصل .. خلاص عادى كنت بس مستغربه الاسم

سيرينت : بصى يا ليليان الواحد ممكن ميكنش شبه اسمه بس يتمنى

يكون شبهه علشان يتغلب على الالم الى جواه تصبى على خير .

ليليان : مش فاهمه !! ..

سيرينت : مش لازم تفهمى دلوقت لانه معاد نومك يلا تصبى على خير

ليليان فى ريبه : و انتى من اهله ...

.....

(مصر، القاهره) السابعه صباحا

مصطفى : صباح الخير يا ماما انا نازل عايزه حاجه ؟

مريم : صباح الخير يا حبيبى .. رايح الشغل بدرى اوى كده ... طب استنى

احضر لك الفطار

مصطفى : معلىش يا امى و الشغل متصلين بيا فى حالة طوارىء

مرىم : خير اللهم اجعله خير

طيب يا ابنى ربنا معاك ابقى كل اى حاجة يا مصطفى مينفعش بينى

تفضل من غير اكل كل ده

مصطفى : حاضر يا امى

مرىم : مصطفى !

مصطفى : ايوه يا امى ؟ اوعى تنام فى المكتب زى اول امبارح القضايا مش

هتطير و بعدين خطيبتك عزمانا عندهم النهار ده اوعى تتاخر ..

مصطفى : امل !! ايوووه ازاي نسيت ... كويس يا امى انك فكرتيني ان شاء

الله مش هتاخر سلام .

مرىم : سلام يا حبيبى

يرن هاتف مصطفى ..

سامح : ايوه يا مصطفى باشا احنا فى الموقع اهه بس ضرورى تيجى

بسرعه .

مصطفى : تمام انا فى السكه اهه .. هى الواقعه ايه ؟

سامح : جريمه قتل يا باشا بس مش لاقين السلاح !

مصطفى : طب اقفل انت انا خلاص وصلت سلام .

....

سار مصطفى و صعد سلم البنايه و هو يتفحص ملامح كل النازلين و

الصاعدين على السلم ثم توقف عند الشقه رقم 7 الدور الرابع

مصطفى و هو يدخل : سلام عليكم

سامح : و عليكم السلام يا باشا

الضحيه اسمه نادر ابراهيم رجب

السن 30 سنه

اعزب

موظف فى شركه مارلين للاغذيه المعلبه مراقب على الصحه

مصطفى : مين الى بلغ ؟

في الشقه المقابله

رن مصطفى الجرس فلم يرد احد فرن مره اخرى

هند :ايوه جايه مستعجل لبييه ؟

ثم فتحت الباب

مصطفى : ازيك يا حجه ؟

هند : الحمد لله يا ابني اتفضل

سامح : مصطفى باشا يا حجه المحقق

هند : اتشرفنا يا ابني ... انت طبعا عايز تعرف مني التفاصيل

مصطفى : من فضلك

هند :شوف يا ابني انا صحيت من النوم

.....

في مكان تانى

ليليان : صباح الخير يا اس

سيرينت : صباح الخير بقى اختصرتى اسهى كله فى اس

ليليان :بصراحه طويل و بعدين انا بحب ادلع اصحابى

سيرينت : ليليان بما ان النهار ده اجازه انا كنت عيزاكي فى موضوع من

ساعه ما جيتى هنا كنت عايزه اكلمك فيه

ليليان : قولى !

سيرينت : مامتك الله يرحمها بععتك هنا لسبب هى سابت لك ورث كبير

بس ليكى شريك فيه

ليليان : ورث !! و شريك !! انا الوريثه الوحيده مفيش غيرى ..

سيرينت : مهو ده الى كان لازم تعرفيه من زمان انتى ليكى اخ يا ليليان

ليليان : انتى بتقولى ايه ؟؟ ايه الهبل ده !!

سيرينت عارفه صعب تصدق بس مقدرش اخبى الحقيقه اكثر من كده من

سنه واحده بس لما خالتى جت باريس علشان تزرنا امنتنى الامانه

دى ..اتفضلى

تمد يدها بصندوق..... تتناول ليليان الصندوق و هى فى حاجه ذهول لا

تدرى ماذا تفعل

ليليان : ده سى-دى

سيرينت : فى كمان شهاده ميلاد اخوكى

ليليان : انا مش فاهمه حاجه لو انا ليا اخ من ماما صحيح ليه خبت عنى

؟؟

و هو فين دلوقت ؟

سيرينت : هي قالت انك هتاقى كل الاجابات فى السى-دى ده

ليليان : طيب انا هشغله دلوقت بس خليكى معايا

سيرينت : طيب تمام

(بصوت الام)

ليليان يا حبيبتي لو بتسمعى الفيديو ده معناه انك خلاص ودعتك انا اسفه

يا حبيبتي على الالم الى سببتهولك بس بجد مكنش قصدى ... " فى صوت

مهزوز " انا خبيت عنك السر ده و عن كل الناس علشان احميكى و احميه

بس لحد كده خلاص مبقاش فى ايدى اى حاجه غير انى اقول لك احمد

اخوكى فى مصر و العنوان مكتوب على (ورقه السحر التاسعه).... ممكن

متعرفيش معنى ده علشان كده اخترت سيرينت تكون معاكي النهار ده و
تساعدك.

ليليان و هي تبكى : يعنى ايه ورقه السحر التاسعه .. تقصد ايه ؟؟!

سيرينت و قد تغيرت ملامحها : مستحيل !! بس ده صعب اوى مقدرش !!

ليليان : سيرينت ارجوكى انا مش فاهمه حاجه ؟ ده اخويا الوحيد لازم

اعرف مكانه !! قولى لى يعنى ايه ورقه السحر التاسعه .

سيرينت : بصى مامتك مخبيه اخوكى بعيد عن ابوه لانه انسان بشع ..لما

اتجوزها كان طمعان فى ثروه كبيره تعملها له بسحرها و لما عرف انها مش

هتستخدم سحرها علشان تخليه غنى قرر يطلقهاوقتها كانت حامل

فى اخوكى ... طبعا لما عرف كان عايز يتخلص منه و علشان والدتك

تضمن انه مش هيلاقيه خفت العنوان تملما و علشان نوصل له لازم

نوصل لحاجه تظهر لنا العنوان ده صعب تصدق بس هي عملت كده

بالسحر

ليليان : سحر !! ايه الجنون ده سحر ايه هو فى سحر اصلا و انتى عرفتى

كل ده منين ؟

سيرينت : ايوه فى سحر و انا عارفه لانى واحده من الى ورثوه عرفتى ليه

مش مسموح تدخل الجناح الشمالى ؟ تعالى ورايا

ليليان : انا مش مصدقه بصراحه هو ده برنامج الكاميرا الخفيه صح ؟؟

قولى لى ؟؟

سيرينت : بصى انا عارفه صعب عليكى تصدقى بس هى دى الحقيقه و

علشان اثبتلك تعالى معايا ..

ليليان تسير فى شئ من الخوف تتبع خطوات سيرينت فى كثير من التساؤل

و الخوف مما هى مقبله عليه ...

سيرينت : ادخلى ..

ليليان تدخل الجناح الشمالى لأول مره و هى تتفحص الجدران بعنايه فى

تحوى رموز غريبه لا تمثل لها اى معنى و الاوانى و الشموع و الكتب التى

تبدو قديمه جدا....

ليليان : ايه ده ؟

سيربنت : دى اوضه التدريب بتعتى انا لسه بتعلم و كانت بتاعه والدتى من
قبلى و بتاعه الجده العظيمه سيربنت الام

ليليان : سيربنت الام؟!!!

سيربنت : ايوه الاسم ده مش اسمى الحقيقى ده اسم الجد الكبيره و هى
اول واحده امتلكت القدرات دى و هى صاحبه كل الكتب دى يا ليليان
شوفى كل الى بتشوفيه او تسمعيه جوه البيت ده محرم عليكى تقوليه براه
او العقاب يكون غير متوقع و شديد للغاية طبعا مش منى .. من الجده
ليليان : ده الى هو ايه ده ان شاء الله!!!

هى لسه عايشه؟؟

سيربنت : ايوه لسه عايشه لانها اقوى بكتير من مامتى و مامتك السحر
مقدش يخليها تمرض و تموت زيمهم

ليليان : طيب خلاص وعد مش هقول اى حاجه لاي حد
بس بردو لازم نلاقى اخويا ... قولى لى المفروض نعمل ايه ؟

سيرينت : اسمعى ورقه السحر التاسعه دى نوع قوى من السحر حاجه
انا مقدرش عليها..... الوحيده الى تقدر هى الجده و والدتك الله يرحمها ...
الغريب ان التعويذه من جزئين .. جزء بيظهر و يخفى العناوين و الجزء
التانى بيظهر ذكريات حصلت بس حد خباها ! مش فاهمه هل ده معناه
ان احمد عنده ذكريات مخفيه !؟

ليليان فى قلق : يعنى ممكن ميعرفش مامتنا ! طيب هى الجده فى دلوقت
؟

سيرينت : مش عارفه من ساعه ما والدتى اتوفت و مش عارفها مكان
بس هحاول اعرف قدامنا 3 ايام على اكمال القمر ساعتها كل السحره
بيكونوا على اتصال ببعض انا فى اوقت ده بس اقدر اعرف مكانها .

ليليان فى قلق : 3 ايام ماشى هستنى ..

سيرينت : اعذرني معندناش حل تانى ..

.....

مصطفى : انا مش مصدقها الست دى يا سامح كلامها مش مريحنى
حاسس انها عارفه حاجه و مخبياها ...

سامح : منا قلت لك يا باشا شكلها مخاويه و هي الى قاتله الراجل و بتوهنا
مصطفى : سامح !! بقول لك ايه ركز كده و اعقل و شيل التخاريف دى
من دماغك ماشى ...

سامح : حاضر يا باشا بس هي قالت ان الراجل كان منطوى و فى حاله و
عمره ما كلمها غير مره او مرتين علشان صوت الراديو العالى
و مشفتش حد دخل او خرج و هي مخدتش بالها ان الباب مفتوح غير لما
قامت تفتح للبنت الى بتجبلها الطلبات و مشفتش حد غريب بيزور
الضحيه غير واحد جاله من اسبوع متعرفش اسمه و لا اى حاجه عنه
غير انه لابس قميس اسود و بنطلون اسود و ساعه فخمه ... يعنى خدت
بالها من الساعه و سابت وشه اما وليه مجنونه صحيح !!

مصطفى : بص احنا لازم نعرف كل حاجه عن الشركه و علاقته بزمايله
اى حاجه متعلقه بخلاف بينه و بين اى واحد من الشركه او فى العماره ..
يرن هاتف مصطفى ..

مصطفى : الو

مریم : ایوه یا مصطفی مش یلا بقی ترجع یدوب نلحق نلبس و نروح
لخطیبتک ولی ایه؟؟

مصطفی : ایوه اکید انا جی اهه سلام انتی دلوقت

مریم : مع السلامه یا ابنی

.....

سامح : طب انا هروح علی الشركه و شوف المدير و اتکلم معاه و مع زمایل
الضحیه فی الشغل جایز اعرف حاجه

مصطفی : تمام اوی بس انا بقی روح النهار ده بدری استثناء علشان معزم
عند جماعه یلا اول ما توصل لحاجه کل منی ..

سامح : تمام یا باشا

مصطفی : سامح ! انت مش ملاحظ حاجه ناقصه؟؟

سامح : حاجه ایه یا باشا؟

مصطفی : المرأه یا کبتن .. مش معقول عنده 30 سنه مش مرتبط بای نوع

من الارتباط !!

دور لی کویس علی الحلقة المفقوده دی و کلمنی لو وصلت لای خیط
خصوصا فی الموضوع ده

سامح : تمام یا باشا عند حق سلام انا بقی

مصطفی : مع السلامه

سامح یقود سیارته و یشغل الامر تفکیره حقا و یشعر بان وراء تلك
العجوز سر ما .. و بینما هو غیر منتبه یکاد یرصدم سیارته بسیاه امامه

السائق : متفتحوا لله یرخب بیوتکم اما انتوا ولاد *****

یتمالک سامح اعصابه لانه یعلم انه المخطئ حتی وصل الی مقر شرکه
مارلین للاغذیه المعبه...

سامح للسکرتییره : المدير موجود

السکرتییره : فی معاد یا فندم ؟

سامح : لا انا سامح حمدی مباحث جینائییه

السکرتییره : طب ثانیه واحده ابلغه

بعد ثوانى

السكرتيره : اتفضل يا فندم

سامح : شكرا

.....

المدير : انا سمعت الى حصل انا بجد مش مصدق نادر الله يرحمه كان من احسن و اكفاء الموظفين عندى...

سامح : انا جى لحضرتك علشان اعرف اذا كان المجنى عليه له اى اعداء او خلافات مع اى حد هنا فى الشركه

المدير : بصراحه انا معرفش غير خلاف واحد بينه و بين الانسه نجوى زميلته فى المكتب و كلنا عارفين انهم اتخانقوا اكثر من مره بس نادر الله يرحمه كانن طيب و مكنش بيحاول يعمل مشاكل مع حد ... هى انسه نجوى هى الى كانت بتجر شكل و هى كده علطول مع كل الناس .

سامح : لكن المجنى عليه مكنش له اى اعداء تانيين ؟

المدير : لا يا فندم معرفش اكثر من الى قلته بس حضرتك ممكن تسال اصحابه ..

سامح : انا عايز قايمه باسماء كل اصحابه و الناس الى بيشتغل معا هم هنا

المدير : مفيش مشكله بس المهم تمسكوا الجانى بسرعه

سامح : حسب سير التحقيق ... معلى سؤال اخير .. هو نادر الله يرحمه

مكناش مرتبط باى وحده باى طريقه ؟

المدير : لا .. على حد علمى لا .

سامح : طيب لو افكرت اى حاجه يريت تبلغنى

المدير : طبعاً .. طبعاً

.....

سار سامح نحو مكتب الضحيه يطرق الباب ثم يدخل

سامح : حضرتك الانسه نجوى ؟

نجوى : ايوه انا مين حضرتك

سامح : سامح حمدى مباحث جينائيه

نجوى : اتفضل حضرتك هنا بخصوص الله يرحمه نادر مش كده ؟

سامح : مضبوط .. لو سمحتى ممكن اعرف ايه طبيعه علاقتك بالضحيه ؟

نجوى : الاستاذ نادر كان زميلى فى المكتب مش اكثر علاقتنا مكنتش تتجاوز
صباح الخير و الشغل و بس..

سامح : بس معلوماتى بتقول انكوا اتخانقتوا كذا مره

نجوى فى تردد : مش حاجه كبيره زى ما حضرتك متصور هو كان دايمما
بيحب يشرب سجاير فى المكتب و انا بتخفق من ريحتها و كل خناقاتنا عن
الموضوع ده لو مش مصدق تقدر تسال الاستاذ ايمن الى فى المكتب الى
جنبنا...

سامح : طيب متعرفيش اذا كان المجنى عليه عنده اعداء مثلا ..بيتخانق مع
حد فى الشركه بصفه مستمره ؟

نجوى فى توتر : لا ... لا مش عارفه

سامح : طب المرحوم مكنش مرتبط ؟ اكيد بحكم انه معاكى فى المكتب
دايمما بتسمعى مكالماته ؟

نجوى : اه ... لا هو كان مرتبط بس بعد شويه فركشوا...

سامح : كان خاطب يعنى ؟

نجوى : اه

سامح : طيب مين خطيبته السابقه ؟

نجوى : هو ناجى بيه "المدير" مقلکش ؟

سامح : لا ما قلش ... الاسم من فضلك

نجوى فى توتر : لا .. لا مهو انا .. انا معرفش اسمها ...

سامح : طيب ايه الى خلاكى تتصورى ان ناجى بيه هو الى هيقولى ...

نجوى : لا .. كنت بقول يمكن هو عارف ..

سامح : طيب شكرا و من فضلك لو افكرتى اى حاجه يريت تبلغينى

نجوى : ح.. حاضر

.....

سامح : الاستاذ ايمن مش كده ؟

ايمن : ايوه انا مين حضرتك ؟

سامح : سامح حمدى مباحث جينائيه

ايمن : اه ... اتفضل يا فندم

سامح : بخصوص نادر الله يرحمه .عايز اعرف اذا كان ليه اعداء هنا في
الشركه او حد بيتخانق معاه بصفه مستمره

ايمن : هو الانسه نجوى قالت لحضرتك اكيد عن مشكلتها معاه في
موضوع السجاير و عن.... (سكت للحظه)

و عن انه كان انسان كويس يعنى مفيش خلافات بينه و بينا
سامح : انت متأكد مفيش حاجه تانيه ؟

ايمن : ايوه ده كل الى اعرفه

سامح : بس الانسه نجوى قالت عن خلافات مع خطيبته السابقه ..
متعرفش حاجه عن الموضوع ده؟ او على الاقل اسم خطيبته دي ؟

ايمن : ايه ! لا مش عارف

سامح في جديه : فعلا!! .. طيب شكرا لو افكرت اى حاجه يريت تبلغنى ...

ايمن :طبعا ..اكيد

.....

بعد ان خرج سامح اتجه ايمن الى مكتب نجوى

ایمن : انتی اتجننتی یا نجوی ؟؟ ازای تقولی له عن الموضوع ده انتی نفسک
تترفدی ولی حاجه !!!

نجوی : معرفش بقى هو سالتی و انا اتوترت بس انا قلتله معرفش اسمها .

ایمن : و انا کمان .. بس انا متاکد انه مش مصدق ..

نجوی : یصدق بقى ولی لا المهم انا قلت الی یریح ضمیری ..

.....

فی الجامعه :

جاسر : ایه یا لیلیا ؟ مالک ؟

لیلیان : مالی ؟ فی ایه ؟ مفیش حاجه اهه

جاسر فی مرح : لا شکلک مش مبسوطه فی الاعدہ مع الانسه السوده

لیلیان : سیرینت ! لا ده انت ظالمها و الله ... ممکن تكون غریبه حبتین بس

قلها طیب صدقنی

جاسر : یا شیخه !! طب سبک تیجی الحفله ؟

لیلیان : حفل ایه ؟

جاسر : فى حفله عملاها الكليه بعد اسبوع علشان الذكرى السنويه
لتاسيسها .. بس بتبقى حفله جامده كل سنه .. عايز نصيحتى اوعى
تفوتها .

ليليان : امممممم ربنا يسهل

جاسر : هيسهل ان شاء الله ليليا انا كنت عايز اطلب منك طلب لو
معندكيش مانع ؟

ليليان : اتفضل

جاسر : انا قلتلك قبل كده انى عايز افتح مشروعى الخاص .. و فعلا والدى
وافق بعد ما عرضت عليه الفكره و الافتتاح النهارده بليل ينفع تيجى .. انتى
الى شجعتينى اقول له مع ان الموضوع فى بالى من زمن لو سمحتى تيجى ...

ليليان فى مرح : طبعا هاجى مش هتدينى كتاب هديه و قهوه ببلاش .. انا
اكيد جيه .. الف مبروك بجد فرحتنى !

جاسر في سعادته : الله يبارك فيكىاه طبعا و لو عايزه المحل كله هو
ليكى اصلا انتى سبب كل السعاده الى انا وصلت لها النهار ده ...انا مش عارف
اشكرك ازاي ؟

ليليان في خجل : العفو انا فعلا معملتش حاجه .

سيرينت : اه انا شكلى جيت في وقت غير مناسب ولى ايه ؟

ليليان و جاسر في وقت واحد : لا ..عادى

تضحك سيرينت و يبتسم كل من جاسر و ليليان في خجل

ليليان : سيرينت ! جاسر هيفتح مكتبه في مقهى النهار ده بالليل

سيرينت : اه مبروك يا جاسر ..ده خاص بيك ؟

جاسر : اه و ده بفضل ليليان لو تنورونى النهارده اكون ممتن ..

سيرينت : اه طبعا .. يلا يا ليليا خلينا نروح علشان هنتاخر

ليليان :طيب سلام .. هشوفك بالليل ...

جاسر : سلام

.....

.....
في السيارة :

سيرينت : ليليامعلش انا هسافر يومين كده علشان عندي شغل

ليليان : شغل !! طب و ليله اكمال القمر؟؟ دي بكره !

سيرينت : لا متقلقيش انا مش هسافر بكره... هسافر بعد بكره

ليليان : طب على فين ؟

سيرينت : مصر علشان شريكنا في اسهم الشركه عايز ينقل ملكيتها لابنه .

ليليان : طيب ...طيب و اخويا مش المفروض اننا نروح نقابله

سيرينت : مش لما نعرف مكانه الاول يا ليليا؟! على العموم هما يومين بس

و هاجي نشوف بقى هنعمل ايه .

ليليان في ضيق : ماشى ..

.....
تنزل ليليان على درج المنزل مرتديه الفستان الذي اختارته و حذاء ذو كعب

عالي يزيد قامتها القصيره طولاً ..

يلفت نظرها دخول مازن مع احدى الفتيات

ليليان : امال مين الى مع مازن دي ؟

مايا : هي بتكون مراه اخوه لمازن ..مصريه عم يقولوا ..

ليليان : فعلا.. و دي جوزها فين ؟

مايا : رامز ! بمصر عم يقولوا انو عم يصفى شغله ليحي و يستقر هون ..

سيرينت : جاسر ايه ...

ليليان بسرعه : فين فين ؟

سيرينت في مرح خلاص يا ستى ايه شافنا و جى علينا

.....

جاسر : ميرسى انكوا شرفتوني النهار ده القهوه مجانيه النهارده

اتفضلوا

سيرينت : ميرسى يا جاسر انا و مايا هنروح نتفرج على الكتب و

راجعين تمام

ليليان : تمام

جاسر : طالعه تجنى فى الفستان ده بدون مجامله انتى اجمل بنت

شفتها فى حياتى يا ليليا ...

ليليان فى خجل : شكرا

جاسر : تعالى انا عامل لك مفاجاه

ليليان : مفاجاه ايه ؟

جاسر : هتعر فى دلوقت بس شايفه التراييزه الى فى النص دى ؟ اعدى و انا

جى حالا ..

ليليان فى تعجب : ماشى

تجلس ليليان منتظره و فجاه بنقطع النور ثم تظهر بقعه ضوئيه على

ليليان و اخرى على جاسر الذى يتحرك فى اتجاهها ينزل جاسر على ركبته

و الجميع ينظر اليهم فى اندهاش و سيربنت مبتسمه تراقب الموقف.

ليليان : جاسر!!! انت بتعمل ايه ؟

جاسر : انا بحبك يا ليليان ... من ساعه ما دخلتى حياتى و من اول يوم

شفتك فيه . انتى قدرتى تاخدى قلبى و قدرتى تقوى ثقى فى نفسى .. انتى الى

حقتى الانجاز الى انتى شايفاه ده

ليليان تنظر الى عينيه و تستشعر صدق مشاعره و قد توقف لسانها لا
تعرف ماذا تقول ! بينما يستكمل جاسر حديثه

- تتجوزيني ؟ تقبلي تكوني جنبى طول العمر زى ما بتمنى ؟

.....

منزل مصطفى صباحا:

مصطفى فى الاهاتف : صباح الفل يا احلى امل فى الدنيا ؟

امل : صباح الخير يا مصطفى

مصطفى : بجد امبارح الاكل كان تحفه تسلم ايدين الى عمله

امل : اه هى ماما دايمما اكلها تحفه .. بس ايه رايك فى السلطه ؟

مصطفى : السلطه ؟ اه كانت حلوه يا امل اشمعنه السلطه يعنى ؟

امل : مهو انا الى عملاها يا مصطفى !

مصطفى فى مرح : اه يعنى ابدا اجهز نفسى علشان اكل دليفري من الشهر

الى جى

سامح : انا عملت زى ما سيادتك قلت و رحى و كلمت الناس الى فى الشركة
و جمعت معلومات عن الضحية و لقت حاجات غريبه بصراحه
مصطفى فى اهتمام : زى ايه ؟

سامح: بص سياتك على الملف ده فيه مؤهلات الضحية

عرفت انه خريج كلية حقوق و معملش اى دراسات تانيه تاهله انه يشتغل
تبع مراقبه الاغذيه و فى نفس الوقت هو اتعين فى الشركة السنه الى فاتت
و قبل كده كان فاتح مكتب محاماه بس مكنش شغال حسب الحسابات
الى لقيناها فى شقته . وشقه فى المنطقه دى اكيد بفلوس كثير اوى..... طب
مينين؟؟ و لما سالت صاحب البيت قال لى انه دفع الفلوس كلها كاش و
فورا...و الغريب اكرى يا فندم انى لما سالت عن موضوع ارتباطه ده فى
الشركة المدير قال انه على حد علمه مكنش مرتبط خالص و فى نفس
الوقت زميلته فى المكتب و صاحبه قالوا انه كان خاطب و مع ذلك محدش
فيهم رضى يقول اسم خطيبته مع العلم انهم كانوا على خلاف دائم و
بيتخانقوا كثير ..

مصطفى : انا متأكد ان المدير ده وراه قصه ايه الى يخليه يعين واحد

زى ده و يدارى على موضوع الخطوبه ؟؟

احنا لازم نعرف اسم خطيبته دى جايز نوصل لحاجه و فى نفس الوقت

لازم نعرف مصدر الفلوس دى ؟

يرن هاتف سامح : ده محمود يا فندم ... اصل انا كلفته يحقق مع سكان

العماره .. الوايوه ...ايه !! طب تمام اوى انت معاك اذن التفتيش مش

كده ؟ طب انا هسبقك و انت متتاخرش ...سلام .

يغلق الهاتف و يبدوا على وجهه نظره انتصار

مصطفى : ايه الموضوع ؟

سامح : البواب راح لمحمود من شويه و قال له ان فى واحد بيتردد على

الشقه المقفوله الى فوق شقه الضحيه و جه فى اليوم ده لوحده قبل

اكتشاف الواقعة بساعتين يعنى حوالى الساعه 8 صباحا .

مصطفى : و هو مقلش الكلام ده من الاول ليه ؟ و مين الراجل ده ؟.

تابع سامح حديثه بينما هو يقود ..

سامح : الشاب الى ماجر الشقه هو " ادهم شوقى مختار "

مصطفى : ابن رجل الاعمال ؟ بتاع الماس ؟؟

سامح : هو يا فندم .. يعنى كان بيكرمش ايدته بخمسين جنيهه للبواب كل

مره ... اكيد البواب مش هيحب يخسره بس تفتكر هو الى عملها ... ؟

مصطفى : يا عم ده اكيد عيل فافى مش بتاع قتل بس ممكن يوصلنا

لمصدر فلوس الضحيه ..

سامح : وصلنا ..

ينزلان عند بوابه المنزل العاليه التى لا يظهر من خلفها سوى حديقته

تحجب رؤيتهما عن المنزل ...

سامح: يا ولاد اللعيبه !! كل ده عز و فخفخه !!

مصطفى : مش ماس بابنى ! انت فاكر ايه ؟ تاجر التفاح الى على اول

شارعكم الى انت بتقر عليه فى الرايحه و الجيه !!

محمود : سلام عليكم يا بشوات

سامح و مصطفى : و عليكم السلام

محمود: اتفضل يا فندم المذكره

يمد يده الى مصطفى و يعطيها له

مصطفى : تمام ... يلا

سامح : بس يا باشا انا بقول نطلب دعم احسن !

مصطفى : اشمعنه ؟

سامح : يعنى لو دى الجنينه ؟ يبقى البيت ايه ؟ و احنا هنفتشه ازاي يعنى

؟؟؟

مصطفى : طب بس خش مش محتاجه تفتيش اصلا .. لو هو الى عملها

هيبان عليه .. ده مش قاتل محترف ولا قاتل اصلا ...

محمود: ايه الى مخليك متأكد كده يا باشا ؟

مصطفى : يا ابني ركز كل البيت ده و رايح يا جر شقه ؟؟ طب ليه ؟

اكيد علشان يتشاقى حبتين مع اى واحده مهو ايه يعنى الى هيخليه يعمل

كده ؟

سامح : الباشا معاه حق .. يلا

يقترّب الثلاث من البوابه و يتحدثون مع الامن فيسمح لهم

بالدخول و يصحبهم للدخل

.....

عند باب المنزل :

صبرى (واحد من الامن) : ازيك يا ادهم باشا ؟ صباح الخير ...معلش

الجهوات كانوا عايزين يكلموك شويه

ادهم: صباح النور يا عم صبرى خير ان شاء الله !

مصطفى : مصطفى عبد الرحيم محقق فى المباحث الجينائيه ... دى مذكره

تفتيش و اذن من النيابة لاستجوابك

يمسك ادهم المذكره و يتفحصها جيدا فى قلق و استغراب شديد

ادهم : ايوه بس ليه ؟

مصطفى : طب مش هتقلنا اتفضلوا ؟

ادهم : اتفضلوا ...مع انكم مش محتاجينى اقول باذن التفتيش ده ..

يدخل الجميع الى المنزل بين قلق ادهم و دهشه الثلاثه من فخامه المنزل و

اتساعه .. ثم يجلسون

مصطفى : تقدر تقولى ايه علاقتك بالمدعو نادر ابراهيم رجب

ادهم: !!! انا معرفش حد بالاسم ده !

مصطفى : انت متأكد ؟

ادهم : ايوه !!!

سامح : ازاي تبقى ساكن فوقيه و مش عارفه ؟

ادهم : ساكن فوق مين ؟ انا يا فندم ساكن هنا و مش عندى مكان

تاني ده اكيد تشابه اسماء

مصطفى : نفهم من حضرتك انك مكنتش بتروح العنوان ده و مكنتش

فيه امبارح الساعة 8 صباحا ؟

ينظر ادهم بتمعن فى العنوان ثم يتذكر قائلا

ايوه ...ايوه افكرت حضرتك تقصد الشقه دي .. حضرتكم فاهمين

غلط انا ماجر الشقه دي فعلا من حوالى اسبوع واحد و ده لان فى

ضيف جى من باريس هو الى طلب يبقى فى شقه منفصله و منستضفهوش

هنا فى البيت و طبعا انا معرفش اى حاجه عن السكان فى العماره الوحيد

الى اعرفه هو البواب و بس ..

مصطفى : طيب يا استاذ ادهم مش غريبه شويه تبقى موجود فى مكان

وقوع الجريمة قبلها بساعتين ؟

و لما الشقه مش ليك ليه رحى هناك ؟

ادهم : يا فندم انا كنت راىح اشوف الخدامه الى طلبتها وصلت ولى لا لان

الضيف هيوصل بعد بكره و لازم كل شئ يبقى جاهز فى الشقه ...

خصوصا ان ده ضيف مهم جدا للشركه ... و حضرتك تقدر تتأكد من

مكتب التوظيف لانى لما رحى الشقه و ملقتش الخدامه جت نزلت

علطول متعصب و كلمتهم و اتخانقت مع السكرتير الى رد عليا

مصطفى : لكن حضرتك ملاحظتش اى شئ غريب و انتى نازل ؟

ادهم : لا ...مظنش ! بس.....

مصطفى : بس ايه ؟

ادهم : كان فى ست عجوزه فى الدور الى تحت الشقه علطول و انا نازل

فجاه فتحت شراعه الباب و بصتلى و بعدى قفلتانا قلت اكيد بتسلى

نفسها و تشوف مين طالع مين نازل و كده بس الى مفهمتوش ان عينيها

كانت بيضه تقريبا فى لو عاميه ازاي بصتلى اوى و حركت راسها و

تابعتنى و انا نازل !!؟؟

مصطفى ينظر نظره عميقه لسامح الذى تغيرت تعابير وجهه ثم يتابع

امممم طيب يا ادهم باشا انت ما قابلتش الشخص ده قبل كده فى
العماره ؟ (يريه صوره نادر)

ادهم : اه .. ايوه شفته اول يوم رحى فيه العماره ...مش ممكن انسى اليوم
ده ..لان الخاتم الماس بتاعى اتسرق يومها و كان يساوى ملايين ..

مصطفى : فعلا..وعرفت مين سرقه ؟

ادهم : يريت ..التحقيق لسه شغال ..

مصطفى : تمام ..احنا اسفين على الازعاج ..بس يريت لو افكرت اى
حاجه تبلغنا ..

ادهم : اكيد يا فندم ..

يخرج الثلاثة من المنزل و يتجهون نحو السيارة

.....

فى الهاتف :

ليليان : الو ! ايوه يا جاسر ... انا تمام الحمد لله ... اخبار الشغل ايه ؟.....

حجزت القاعه بسرعه كده ؟؟ بس انا كنت بقول يعنى نخلى الخطوبه هنا

فى البىء و مش لازم قاعه و كده !! خلاص يا حبىبى زى ما
ءحب .. سلام ..

ءءءل سىرنء الى العرفة

سىرنء بلهجه ءءىه : كل ءاچه ءاهزه ... يلا نءءء

لىلىان بقلق : ماشى .. يلا

ءءءلان الى ءنءال الشمالى و ءبءا سىرنء فى اضاءه الشموع ءم ءبءء فى

قراءه ءءوءىءه ممسكه بىءى لىلىان

اصواء مءءاخله و الشموع ءنطفئ ءم ءشءل ءم ضوء شءىء

و لىلىان ءغمض عىانها و يكاء قلبها ىنءلع من ءوف و فءاه ءبىض عىنا

سىرنء و ءسقط ارضا و ىءوقف كل شئ

لىلىان : سىء.. سىرنء !! انءى كوىس ؟ اىه الى ءصل ؟!!

سىرنء ... رءى !! ارءوكى رءى !!

ءموع لىلىان ءءساقء و سىرنء ءءنفس ببءء ءم ءفءع عىناها و ءنظر الى

لىلىان و ءقول فى ضعف

- اءمء فى مصر ... فى مصر

ليليان : في مصر! فين في مصر! طب انتي كويسه؟؟

سيرينت في ضعف: ايوه ... انتي هتيجي معايا بكره

ليليان : ماشى .. بس قومي ..

تسير سيرينت مستنده الى ليليان و تدخل الى غرفتها لتغط في نوم

عميق ... بينما سهرت ليليان ليلتها و بين القلق و الامل ...

.....

على الساده الركاب ربط احزمه الامان استعدادا للاقلاع .. الوجهه .. مصر

ادهم : صباح الخير يا بابا .

شوقي : صباح الخير . يلا يا ادهم اوعى تتاخر على الضيوف زمانهم على

وصول في المطار

ادهم : متقلقش انا نازل علطول اهه

بس في موضوع كده كنت عايز اكلمك فيه ..

شوقي : موضوع ايه؟؟

ادهم : بخصوص الشقه الى اجرناها زى ما الانسه سيرينت طلبت حصل
تحتها جريمه قتل و لسه القاتل طليق ..

شوقى : طب مشفتش غيرها ليه يا ادهم ؟ انتى مستنى ايه؟؟

ادهم : انا كنت هعمل كده فعلا ... بس الانسه سيرينت رفضت و قالت انها
عايزه الشقه دى و مش غيرها .

شوقى : اشمعنه !!

ادهم : معرفش و الله بس انا مرضتس اجادلها علشان متضايقش ..

شوقى : طب خلاص المهم دلوقت روح استقبلهم و انا فى انتظارهم .

ادهم : طيب سلام .

.....

فى المطار :

ادهم : نورتى يا انسه سيرينت

سيرينت : ميرسى يا ادهم ...ايه اخبارك و اخبار شوقى بيه ؟

ادهم : تمام والحمد لله .

سيرينت :نسيت اعرفكالانسه ليليان امجد بنت خالتي و والدها الله
يرحمه صاحب شركه ليليان للتصدير ..

ادهم : طبعا غنى عن التعريف .. اشرفنا يا انسه ليليان .

ليليان : ميرسى ..

ادهم : اتفضلوا ... تحبوا نروح الشقه الاول ولى نروح الشركه

سيرينت : لا نروح الشقه لاننا تعبانين من الرحله و محتاجين نرتاح ..

ادهم : طب اتفضلوا هوصلكم .

سيرينت : مفيش داعى نتعبك ..

ادهم : ولا تعب لا حاجه .. اتفضلوا

.....

امام باب العماره :

ادهم يوصلهمها الى الداخل و عند بدايه الدرج

سيرينت : شكرا يا ادهم تعبناك معانا ..

ادهم مدركا انها لا تريد منه ان يصعد: العفو انا معملتش حاجه اسيبكم
انا بقى و بكره معادنا فى الاجتماع ان شاء الله
سيرنت : اكيد..

.....

توقف سيرنت عند الطابق الذى حدثت فيه الجريمة

و تطرق باب هند و ليليان تشعر بالريبه

ليليان : احنا مالنا و مال الجيران يا سيرنت ؟؟ خرينا نطلع ..

سيرنت : انتى مش فاهمه يا ليليا اصبرى بس شويه

يفتح الباب من تلقاء نفسه دون ان يفتحه احد ... تدخل سيرنت و ليليان

جامده فى مكانها تستوعب الامر ... ثم تلحقها بخطوات متردده الى الداخل

فينغلق الباب

سيرنت: بصوت خافت: انتى فىن ؟

هند : انا هنا يا ريما ولى اقول يا سيرنت ؟

ليليان : ريما !!

هند : متستغريش يا ليليان ... زى ما هي قالت لك سيرينت ده مش اول اسم ليها مع انى مكنش احب انها تغير اسمها باسمى لكن ..

ليليان : اسمك !! انتى الجده سيرينت ؟!!! انتى اعظم السحرة ؟

هند : اعظم السحرة ده كان زمان قبل العجز و العى و غيرها من هدايا الزمن...بس ساعات الاسم بيقوى صاحبه او حتى يحسسه بتفوق حتى لو هو خلاص مبقاش يقدر يعمل الى كان بيعمله زمان ..

سيرينت : مفيش داعى نتكلم فى الموضوع ده انتى طلبتى اجى هنا ليه ؟؟ ليه مقلتيش العنوان علطول ؟

هند فى حزن : لانى مش قادره اعرف يا سيرينت ... زى ما انتى شايفه ورقه السحر التاسعه دى كانت تبقى حاجه ممكنه لو انا لسه بصحتى لكن خلاص الصحه راحت ...

ليليان : طب و العمل ؟ مهو انا لازم الاقيه ..

هند : و انا هساعدك .. انا لما كنت بحاول ادور عليه وسط النفوس .. قلبى دلنى لشخصين ... واحد حى و التانى ميت .. هو مش واحد منهم بس واحد مهمم هيوصلكم ليه ..

سيربنت : الميت الى فى الشقه الى قصادك ؟

هند : ايوه هو ..و التانى هو المحقق فى الجريمة ...متسالنيش ايه علاقته

بيه انا معرفش ...هو ده كل الى عند سيربنت العجوزه ..اظن كفايه و

سيببوني انام و ارتاح

ليليان : طيب سلامسيرربنت : سلام

هند: استنى يا ليليا ..خدى ده (اعطتها كتاب)

ليليان : ايه ده ؟

هند :ده كتاب والدك الله يرحمه كتبه عن شخص اتمنى ما تقبلهوش ابدا

بس يمكن الزمن يخليكى تقابليه.. فاقرى الكتاب و اعرفى كل الى فيه يمكن

يساعدك.

ليليان فى ريبه : تمام ..

و تخرجان و كل منها مشغوله البال فى امر المحقق و القتل و ما علاقتهما

باحمد و كيف لهما ان تربطا بين كل تلك الخيوط حتى دخلتا الى الشقه.

سيرينت : اسمعى يا ليليان سيرينت الجده مش سهله ممكن تكون عارفه حاجه و مش راضيه تقول ...ممكن يكون امتحان منها لينا انا مش ممكن اصدق انها مش قادره على ورقه السحر التاسعه ..

ليليان : معدناش اختيار يا سيرينت لازم نحاول ندور على حاجه تربط الخيوط ببعضها .

سيرينت : بكره بعد الاجتماع انا و انتى نروح نعرف تفاصيل الجريمة دى من المحقق .

ليليان : طب ازاي؟؟ هو عادى كده هيقول لاي حد؟

سيرينت : لا طبعا .بس انا هتصرف

.....

شقه مصطفى و امل :

مصطفى : ايه بقى يا باشمهندس قدامنا كتير فى الشقه؟؟

المهندس : لا يا فندم مش فاضل كتير بس العمال يومهم بسنه انت

عارفعموما كله هيبقى جاهز اخر الاسبوع .

مصطفى : طب تمام اوى بس الله يخليك شفى موضوع لون الصاله الى
مش عاجب الدكتوراه امل ده تمام ! غيره ضرورى
المهندس : خلاص مفيش مشكله .

.....
فى الشركه :

سيرنت : صباح الخير يا شوقى بيه ...صباح الخير يا ادهم
ادهم :صباح الخير

شوقى : صباح النور اتفضلى يا انسه سيرنت

سيرنت : ندخل فى الموضوع علطولانا معنديش مانع ان حضرتك
تنقل ملكيه الاسهم

.....
فى غرفه الانتظار :

تجلس ليليان و هى تقرا كتاب والدها فى انسجام فى حين يدخل مصطفى .
مصطفى : ادهم بيه موجود ؟

السكرتيره :ايوه يا فندم بس هو فى اجتماع تقدر تستناه بره ..فى معاد سبق
تحديده ؟؟

مصطفى : لا انا مصطفى عبد الرحيم مباحث جينائيه
تقطع كلمات مصطفى قراءه ليليان فى حين يتقدم مصطفى منها ليجلس
فى غرفه الانتظار .

ليليان : دايمًا مشغولين !

مصطفى : هما مين دول ؟

ليليان : رجال الاعمال ..انا ليليان امجد بنت صاحب شركه ليليان
للتصدير

مصطفى : اه فعلا ..تشرفنا انا مصطفى عبد الرحيم مباحث جينائيه

ليليان : جينائيه مره واحده ؟؟ بس غريب وجودك هنا ..هو ادهم بيه
متورط فى حاجه ؟

مصطفى فى نظره فاحصه: لا مظنشانتى هنا ليه ؟

ليليان فى تهرب : حضرتك بتسال ليه ؟

مصطفى بنفس النظره : مجرد سؤال ..يعند..

يقطع حديثهما انتهاء الاجتماع و خروج كل من ادهم و سيرينت من غرفه المدير تنهض ليليان و تسير في اتجاه سيرينت التي ودعت ادهم و خرجت ... اما مصطفى سار في اتجاه ادهم و اصطحبه الى مكتبه

في المكتب :

مصطفى : بص يا ادهم باشا انا قلت اجي لحد عندك و اسالك بدون اجراء رسمى لانك مقلتلش معلومه مفيد المره الى فانت عن سكان العماره رغم ده ملغتش عقد ايجار الشقه الى حصل تحتها جريمه قتل و فوق كده ضيوفك زاروا مدام هند الى ساكنه قصاد المجنى عليه ... مش بس كده لا دول اعدوا عندها اكثر من ساعه يعنى الموضوع يتجاوز انهم يكونوا بيستلفوا بصل مثلا ولى ايه ???

انا بقول انت تقولى من نفسك ايه العلاقه احسن بدل ما تتشد في سين و جيم و حاجات كده ملهاش لزمه

ادهم فى تعجب : حضرتك متأكد ان ضيوفى هما الى زاروها ؟؟

انا اقسمك معرف حاجه عن الموضوع ده !!و بعدين ايه الى هيربط بنتين

من باريس و عايشين طول عمرهم هناك بواحد زى دى ؟؟

يا فندم البننتين دول منهم واحد هى شريكه والدى فى مناجم الماس النص

بالنص ! حضرتك اكيد عارف ده معناه ايه ؟

مصطفى : زميلى مراقبت الشقق و السكان و هو متأكد ميه فى الميه طب

طالما كده محجزتلهمش ليه فى فندق محترم و خلاص ؟

ادهم : انا فعلا كنت هاعمل كده لكن الانسه سيرينت هي..

مصطفى : س.. ايه ؟ ده الى هو ايه ده !!.

ادهم : سيرينت يا فندم .. اسم شريكتنا .. قلت ل حضرتك انها فرنسيه

!! هي الى رفضت و قالت انها هتسكن فى الشق دى مش اى حته غيرها

و كنت لسه بكلم والدى الصبح فى الموضوع ده ..

مصطفى : طيب انا عايز اسماء ضيوفك بالكامل و اعمارهم يا استاذ

ادهم .

ادهم : اكيد يا فندم ..

.....
ليليان : سيرينت ! على فكره الى دخل مع ادهم ده محقق فى المباحث

جينائيه ...و كان عايز ادهم مش عافه ليه ؟!

سيرينت فى جديده : اسمه مصطفى عبد الرحيم ؟

ليليان فى دهشه : ايوه !! لكن انتى عرفتى منين ؟؟

سيرينت : لما الجده قالت ان المحقق فى الجريمه الى قصادها طرف خيط

يوصلنا لاخوكى ..سالت ادهم مين بيحقق فى الجريمه و هو قالى الاسم و

بس..

ليليان : طيب احنا هنروح فىن دلوقت ؟

سيرينت : على البيت .. نرتاح و نتغدى و بعدين نروح القسم ..تمام ؟

ليليان : تمام

.....
يرن جرس الباب وتفتح ليليان ..

مصطفى : ليليان امجد مش كده بردو ؟

ليليان : ايوه انا في حاجه يا مصطفى بيه ؟

مصطفى : شويه اسئله بس و همشى .. مش هتقولى لى اتفضل ؟

سيرينت : لا يا حضره المحقق مينفعش ... احنا بنتين لوحدنا ... تقدر

تستنى هنا لحد ما نلبس و نيجى معاك ناعد فى اى مكان بره ..

مصطفى : تمام يا انسه سيد .. سيد .. تمام يا انسه!

ليليان : سيرينت !!

مصطفى فى سخريه : هو لامؤخذه يعنى الوالد ملقاش غير الاسم ده ؟!!

سيرينت فى جدية : لا ملقاش (و هى تغلق الباب)

بينما ترتدى الفتاتان ملابسهما فى عجل يقف مصطفى امام الباب يتربق

خروجها ...

ليليان تفتح الباب و تتبعها سيرينت فى لونها الاسود المعتاد و نظراتها

الجدية التى اعطت مصطفى انطباع انها قويه و ليست كباقي الفتيات

يسهل الضغط عليهم ..

.....

سيرينت : يريت يا سياد المحقق يكون موضوع مهم ..

مصطفى : بخصوص الجريمة الى حصلت في الشقه الى تحتيكوا ...تعرف

سيرنت : احنا جينا بعد ما حصلت اعتقد عارف ولى ايه ؟

مصطفى : عارف يا انسه بس ده مش سؤالى ...انا بسال حضرتك ايه

علاقتك بمدام هند جاره المجنى عليه ؟؟

نظرت ليليان الى سيرنت نظره توتر بينما سيرنت في برودها و ترد بكل

ثقه :

واحد عجوزه احتاجت مساعده ..ساعدناها ..ايه بقى محرم ؟؟

مصطفى في سخريه : هو المساعده تاخذ اكثر من ساعه ؟؟

سيرنت : انا مش خبيره في تركيب اللمبات يا مصطفى باشا !

مصطفى و هو ينظر نظره فاحصه ليليان : لمبه ! امممم ..طيب يا انسه

سيرنت

و انتى يا انسه ليليان .. انا اعرف انك كنتى عايشه في مصر لوقت قريب ...

تعرفى مدام هند قبل كده ؟

ليليان في قلق : لا ...لا معرفهاش

يدير مصطفى نظره الى سيرنت ثم يتابع

بس اكيد مش ده السبب الى يخليكى تصمى تاعدى فى الشقه دى و مش
غيرها يا انسه سيرد... ما علينا؟؟

سيرنت فى سخريه : اظن مش جريمه ان الواحد تعجبه شقه و يحب ياعد
فيها زى مهو مش جريمه انك مش عارف تنطق اسمى يا مصطفى باشا ...
مصطفى :عندك حق طبعاً... طيب ..شكرا على وقتكم ..

سيرنت : استنى يا سياده المحقق ، انا كمان عايزه اسالك عن شويه
حاجات ..

ليليان : فى الواقع محتاجين مساعدتك..

مصطفى : مساعدتى ؟

ليليان : انا بدور على حد هنا فى مصر تقدر تلاقيه ؟

مصطفى ياخذ نفس عميق ثم يتابع : الاسم ايه ؟

ليليان : احمد

مصطفى فى سخريه : يا صلاح العيد !! احمد بس كده ؟ اجيبه ازاي ده ؟

الم كل المصريين الى اسمهم احمد و اجهملك تنقى ؟ اسمه احمد ايه ؟

سيرينت : معاك حق المشكله اننا منعرفش الاسم بالكامل كل الى نعرفه هو اسم الام ..

مصطفى : طيب ممكن يساعد ..

ليليان : رقيه ابراهيم سالم

مصطفى : تمام .. بس معلى ايه صله القرابه ؟

ليليان : اخويا ..

مصطفى فى دهشه : نعم ؟ اخوكى ! مش فاهم ؟

سيرينت فى تهرب : هتساعدنا ولى لا يا حضره المحقق ؟

مصطفى فى جديه : ان شاء الله!

يخرج مصطفى و هو غير راضى عن اجوبه سيرينت ...يشعر بالفضول

ناحيه هذا الاحمد !! و بينما هو بين الحيره و ضلال یرن هاتفه

مصطفى : الو ...ايوه يا سامح ... بتتكلم جد ..

سامح : ايوه يا فندم انا قدرت اوصل لاخت المجنى عليه و جوزها و عرفت

انه كان خاطب بنت المدير و الكلام ده قبل تعيينه فى الشركه ... و بعدها

حصل خلافات لان المجنى عليه كان دايمًا بيطلب من والدها فلوس سلفه

من الشركه و مكنش بيرجعها و كان من النوع المستهتر على كلام جوز
اخته ..

مصطفى : بس كده !

سامح : لا .. انا عرفت منهم انها بعد ما سابتها اتجوزت واحد بعدها بشهر و
الشخص ده اتخانق مع المجنى عليه كذا مره لما لقاه بيكلم مراته فى
الداخلة و الطالعه فى الشركه . و نفس الشخص زاره قبل وقوع الجريمه
مباشره

البواب قال انه راح يجيب فطار الصبح و اكيد هو دخل فى الوقت ده لان
الجيران اكدوا ان عربيه الراجل ده هى نفسها العربيه الى جت الصبح بدرى
يوم الحادثه و مشت علطول من الوقت المحدد لوقوع الجريمه .

مصطفى : اسمه ايه ؟

سامح : رامز سيف يا فندم ... محمود قبض عليه و هو مسافر فرنسا من
نص ساعه بس .. و بيحقق معاه

مصطفى : بتقول فرنسا! (يتذكر الفتاتان) ثم يتابع حديثه : ايوه صحيح
يا سامح انتى فى القسم صح ؟

سامح : ايوه

مصطفى : كنت عايزك تدورلى على بيانات واحده اسمها رقيه ابراهيم

سالم على السجل عندك ..

سامح : طب ثانيه كده هكتب الاسم

.....

محمود : قولى بقى يا رامز انت لما رحى لنادر يوم وقوع الجريمه ايه الى

حصل ؟

رامز : اقسملك يا باشا انا جالى رساله انه عايزنى اروح له علشان موضوع

يخص مراتى و لما طلعتله لقيته ميت انا صحيح كنت ناوى اديه علقه موت

علشان يبطل يعاكس مراتى فى الداخله و الطالعه و طلبت من حمايا

يرفده بس هو قال ان عقده فيه شرط جزائى كبير و مينفعش لكن

انا مقتلتوش صدقنى !!

محمود : الادله كلها ضدك يا رامز؟ قول لى الحقيقه يمكن العقوبه

تخفف!

الجيران شافوا عربيتك هناك و بصماتك الى على الباب كفايه اوى ...

و احمد ناجی مروان ..بس مفیش عنه ای معلومه عنه ...لا عنوان و لا تاریخ میلاد و لا ای حاجه ..

مصطفی : قلتلی " احمد ناجی مروان " مش ناجی مروان ده مدیر الشركه بتاعه الاغذیه ؟

سامح : ایوه .. فعلا !

مصطفی : كأن الاسم مش غریب علیا ! طب اقفل انت دلوقت یا سامح ..
سامح : سلام ..

.....

مصطفی : ایوه یا انسه لیلیان الی انتی بتدوری علیه ده اسمه احمد ناجی مروان

لیلیان : طب فی عنوان ؟؟

مصطفی : للاسف لا بس انا عرفت مکان الاب ...ممکن نساله !

لیلیان بسرعه : لا لامینفعشعموما هو میعرفش مکانه ..

مصطفی : ازای میعرفش مکنه ؟ مش ده ابنه ولی ابن الجیران ؟

ليليان : ارجوك يا حضره المحقق ..الموضوع معقد .. من فضلك
متسألوش...

مصطفى : طيب يا انسه ليليان سلام دلوقت

.....

محمود : اتفضل معانا يا ناجى بيه ...

ناجى فى قلق : ل..ليه ؟

محمود : مقبوض عليك بتهمه قتل نادر ابراهيم رجب

ناجى : ...طب انا عايز المحامى بتاعى !

محمود : اتفضل قدامى لما نوصل القسم ممكن تستدعيه

يسير محمود و هو يراقب خطوات ناجى المتردده ثم يدخله الى البوكس و
ينطلق ..

.....

مصطفى : ايوه يا امل و الله كلمت المهندس و قال خلاص الشقه جاهزة

متقلقيش

ايوه يا ستي ده حتى جى دلوقت على المكتب عندى ياخذ بقيه حسابه ... مع
السلامه .

.....

ليليان :انا مش مرتاحه يا سيرينت انا لازم اروح القسم اكلم المحقق ده
و احاول اعرف منه تفاصيل الجريمه !الراجل الى مات ده له علاقه باخويا
احمد مش ده كلام الجده !؟

سيرينت : انا حاسه بشعور غريب اوى من ساعه ما كلمك المحقق ده ! لو
انتى كمان قلقانه يبقى نروح يمكن نعرف حاجه..

.....

فى مدخل القسم :

يدخل المهندس " احمد " فى نفس الوقت يدخل محمود و ناجى المكبل
بالاصفاد فيرى احمد... يخالطه الشك ..ثم يوقن انه هو
يدفع ناجى محمود و يمسك بسلاحه فجاه و يطلق النار على احمد ...
يخرج مصطفى مسرعا من مكتبه ليرى احمد الذى اصيب بطلقه يسقط
ارضاً فيلوح فى ذهن مصطفى اسم ذلك المهندس الشاب " احمد ناجى

مروان " فيركض تجاه احمد و يحاول اسعافهوفي نفس اللحظة
تدخل سيرينت و ليليان التي تنظر لذلك المشهد في فزع و تتجمد مكانها
هي لم ترى احمد من قبل ولى تعرفه لكنها شعرت الم داخلها عند رؤيته
ملقى على الارضتمر تلك اللحظات ببطئ على الجميع مصطفى
يتربقب سياره الاسعاف و ناجى الذى وضعه محمود خلف القضبان فى
انتظار ما سيحل به.....سيرينت تراقب فى قلق اما ليليان فتنظر الى
احمد بنظرات عميقه كأنها تتخلل افكاره لتعرف من هوهل هو اخوها
!! اهذا هو احمد !!

فى ظل ذلك وصلت سياره الاسعاف و نقلت احمد للمشفى..

.....

فى المشفى:

مصطفى فى حزن : انا اسف اوى يا انسه ليليان انا عارف ان الى حصل
ده مسؤلىتىصدقينى لو حصله حاجه مش هقدر اسامح نفسى ...
ليليان تقف منهاره لا تعرف ما مصير ذلك الاخ الوحيد الذى كسبته و
ضاع منها فى لحظه واحده اى نوع من الالباء يقتل ابنه !!

فتجيب في وهن : انت متأكد انه هو ؟

مصطفى : للاسفايوه

تراقب سيرينت الموقف في حيره اتستخدم ذلك السحر ؟! هل هو الحل

لتخفيف الم ليليان ؟

يخرج الطبيب من غرفه العمليات ...يقبل عليه مصطفى و ليليان في قلق

مصطفى : هو كويس ؟

الطبيب : بصراحه يا جماعه الحاله خطيره جدا و مخبيش عليكم مش

متوقع انه ينجو من الاصابه لان الرصاصه صابت مكان قريب اوى من

القلب ..

ليليان تنظر الى سيرينت نظره توصل ثم تبدء في البكاءيسير الطبيب

و يجلس مصطفى بين الالم و الشعور بالذنب ..يدعو الله مره و يستغفره

مره و يكرر ذلك ...

ليليان في نبره بكاء : سيرينت ! ارجوكى !! اعملى حاجه ! كلى

الجده ...انقذيه ارجوكى يا سيرينت !!

سيرينت متجهمه و لا تدرى ماذا تفعلمصطفى يسمع الحوار لكنه
لا يدرك له معنى فيظل صامتا

سيرينت : ماشى تعالى هندخل الاوضه ...

تغافلان الممرضه ثم تدخلان الى الغرفه بينما ينظر مصطفى من ثقب
الباب

القت سيرينت تعويذتها السحريه ثم اخرجت من جيها انبوب به سال ما و
سكبتة فى فم احمد !

دخل مصطفى مندفعالى الداخل : انتى بتعملى ايه ؟؟

لم يكمل كلمته حتى استيقظ احمد و فتح عيناه

احمد فى نبر نوم : مصطفى باشا ! انا فىن !

ما ان تحدث حتى ضمته ليليان اليها فى سعاده و هى تشكر سيرينت

اما مصطفى فقد توقف مكانه لا يدري ما هذا الذى يحدث ! كيف لشبهه

الميت ان يفيق !

بينما ليليان تضم احمد يدخل جاسر و يصدمه المشهد فيخرج مسرعا لا

يصدق ما يرى فتلحقه ليليان..

ليليان : جاااااااااا !! جاااااااا !! من فضلك استنى ... انت فاهم غلط !
جاسر فى غضب : غلط !! انا شفتك بعنيا دول و انتى حضناه يا هانم و
جيه تقولى لى غلط !! . انا الى كنت خايف يكون حصلك حاجه ! لما ادهم
قالى انكوا فى المستشفى ..

ليليان : انت مش عارف ده مين متحكمش عليا بدرى !
جاسر :!!!!

ليليان : ده احمداخويا

جاسر : اخوكى ! انتى عندك اخوات ؟! انتى عمرك ما حكيتيلى انك عندك
اخوات

ليليان : علشان مكنتش اعرف

جاسر : ازاي يعنى !!

تسرد ليليان عليه القصة دون ان تخبره عن امر السحر لم تكن تريد
ان تخذعه لكن ما باليد حيله !

جاسر فى راحه : طيب تعالى لما اتعرف على نسيبي بقى ...

.....

في تلك الاثناء :

مصطفى : انتى ايه بالظبط !! مشعوذه ؟ ساحرة ؟ و مين الجده ؟

احمد : مين دول يا مصطفى باشا ...

تبيض عينا سيرينت و تستعد لتنهى ما بدئهته فالجزء الثانى من ورقه
السحر التاسعه سيجعل احمد يتذكر ما زرعته امه فيه من ذكريات ..

تلقى بتعويدتها فينطفى النور و يشعر احمد بصداع و هى تستكمل
يصرخ احمد من شده الصداعياتى النور ثم ينطفى و مصطفى
واقف بلا حراك ...

ثم يتوقف كل شى و تسقط سيرينت ارضا و عيناها بيضاء ..

تدخل ليليان و مصطفى يمسك سيرينت التى سقطت ارضا و ينادى
الطبيب اما احمد فقد نظر الى ليليان نظره عميقه ثم قال : ليليان !

.....

سيرينت فقدت بصرها فى سبيل مساعده ليليان تلك التعويذة

الصعبه التى تصحح الامور يجب ان نضحى بثمين كى ننقذ ائمن ... قد لا

تكون ساحر لكن بامكانك صنع فرق فى حياه من حولك .. يمكن للجميع ان

يصبحوا اسرتك ليس لان الدم يفرض ذلك انما لان الوفاء و
التضحيه و الايثار كلها قيم ثمينه تصنع للجماة مشاعر تجعل من
الغامض واضح و تنسج الروابط بين الاغراب ليست مجرد شعار
بدليل ان تلك القيم حين تغيب عن العائله ... تتمزق (ناجي و احمد)
و قد تؤدي لاسوء النتائج

.....
تستيقظ سيرينت و تدرك ما حدثمصطفى جالس بجوارها و كذلك
ليليان و احمد و جاسر ..

ليليان في ضعف : الحمد لله انك صحيتي اخيرا ثم ضمته بقوه
ابتسم سيرينت قائله : مهو مش معنى اني صحيت انك تموتيني من
الحضن !

يضحك الجميع عدا مصطفى ..

مصطفى : حاسس بصداع شويه ممكن دواء صداع يا جاسر ؟

جاسر : اه طبعا .. ثواني و راجع

يخرج جاسر و يتجه مصطفى بنظر لسيرينت

سيرينت : عارفه انك عندك اسئله يا مصطفى باشا!

مصطفى : تتفاجئى لو قلت لك انى عرفت الاجوبه !

سيرينت : لا ... لانى عارفه بردو انك زرت هند ..

مصطفى : تفتكرى ليه قالت لى كل حاجه ...ليه ممسحتش ذاكرتى مثلا؟

مهو انتوا قادرين اصلكم !

سيرينت : الجده مش بتعمل اى حاجه غير لهدف بس انا المره دى حقيقى

معرفش!

مصطفى : طيب انا لازم امشى دلوقت

يدخل جاسر و يناوله الدواء...

مصطفى : شكرا يا استاذ جاسر مع السلامه يا جماعه اه

صح حمد الله على السلامه يا باشمهندس ده بقيت حسابك و

اسف على الى حصل .

احمد : الله يسلمكشكرا الحمد لله جت سليمه .

جاسر : متنساش معاد الفرح بقى يا مصطفى باشا احنا فى انتظارك ...

مصطفى : لو قدرت على التذكره .. ان شاء الله

.....
في القسم :

سامح : قتلته ليه ؟

ناجى : هو الى اضطرني لكده..... كان طماع و عايز يكوش على كل حاجه

يخرج سامح الخاتم الماس الذى وجد فى شقه ناجى عند تفتيشها

سامح : تقدر تقول لى ده وصل عندك ازاي ؟؟

يسكت ناجى و لا يتفوه بكلمه

سامح فى غضب : ماتنطق احسن لك !! خاتم ادهم شوقى بيعمل ايه

عندك ؟

ناجى : نادر هو الى ادهولى مقابل انى اقنع بنتى ترجعله

سامح: و بعدين ؟

ناجى : انا اخدت الخاتم و كلمت البنت بس هي رفضت فابتدى يحوم

حولها و يعاكسها و الموضوع زاد عن حده..... و لما معرفش ياخذ حق

ولا باطل و راح قال لها انى باخذ رشاوى و انه معاه ورق يثب كلامه و لو

مرجعتلهوش هيبلغ فيا.....

سامح :و بعدين ؟

ناجى: بنتى خافت عليا و جت علشان تكلمنى فى الموضوع ده و كانت متاكده انه بيكذب و ممكن يزور ورق علشان يورطنىبس لما شافت الخاتم الى ادهولى افتكرت ان كلامه كان صح اتخانقت معايا و سافرت باريس مع جوزها بعد ما كانت رافضه تسيبنى..... الحيوان ده قدر يوقع بينى و بين بنتى الوحيده !

سامح فى سخرية : الوحيده ! ماشى عموما يا ناجى بيه نادر مكنش بيكذب الورق الى لقيناه فى شقتك ..فى خزنتك بياكد كلامهو هو ده الى خلاك تقتله مش كده !! انا بقول تحكى لنا الحقيقه علشان نعرف نساعذك يمكن الحكم يتخففلانك لابس لابس ...مفهوم !

ناجى فى توتر : رحى على بيته و انا فاكر انه فى الشركه وانى هاخذ الورق الى عنده و امشى و خلاص بس اول ما فتحت الباب لقيته فى وشى ...معرفتش اعمل حاجه غير انى اضربه بعصايه المقشه على راسه و قلت انه بكتيرو هيغى عليه

فى بكاء : بس مقصدتس اقتله ...

سامح : طب و احمد ده كمان مقصدتش تقتله!! صدقنى هيكون عندك
وقت طويل تندم فيه قفل المحضر يا ابنى و خليه يمضى على
اقواله ..

.....
مصطفى : اتفضل يا ادهم بيه ... (يعطيه الخاتم)

ادهم : الخاتم ! معقل ! ده انا قلت خلاص كده مش هلاقيه ! انا مش
عارفه اشكرك ازاي !!

مصطفى : الشرطه فى خدمه الشعب ... يلا سلام

ادهم : ثانيه واحده يا حضره المحقق ... فى هديه مبعوته لك و لو مكنتش
جيت كنت جتلك بنفسى ... اتفضل

مصطفى مبتسما: دى تذكره لفرنسا !

.....
بعد ثلاثه اشهر :

فى باريس :

قاعه مناسبات :

يدخل جاسر و ليليان في ثوبها الابيض الرائع في ظل موسيقى باريسيه

راقيه و جميع المدعوين ينظرون اليهما في سعادته

يقترّب احمد من سيرينت ثم يهمس في اذنها : عقبالي !

تبتسم سيرينت في خجل

منسق الحفل : ارجوا من الجميع الصعود على المسرح لاختذ صورته

جماعيه !

يقترّب الجميع من العروسين

المصور : قربوا شويه من بعض من فضلكم !....ايوه كده 1..2...3

ثم يلتقط الصوره ...

صوره واحد جمع بها الكثير من المعاني

ليليان " الطيبه "سيرينت " التضحيه "مصطفى " التفانى

"الجده " العلم "مايا " الصداقه "جاسر " الحب "

ماذا سيحل بمصطفى ؟

من ذلك الشخص الذى حذرت الجده ليليان منه ؟

ماذا حوى كتاب والدها ؟.....تابعونى فى الروايه القادمه ...

النهايه

حقوق الطبع و النشر محفوظه للمؤلف

للتواصل مع المؤلف :

<https://www.facebook.com/heba.neem>